



PL
2698
L52
1730
v. 10

笠翁詩集卷之七目次

五言絕

山中送客

題畫雜詩十二首

夢中得句醒輒忘之止記江管復生花五字因

見曉霞補成一絕

客中聞鄰婦夜泣

窮途遇故人無錢沽酒戲成一絕

答友二絕

伊園雜詠

燕又堂
停舸

宛轉橋

蟾影

宛在亭

打菓軒

迂徑

踏影廊

來泉竈

題朱子年書蘭冊子

贈山字八韻

我愛江樓晚八首

庭中怪石

立秋日雨

梨花海棠便面

書尺

虎丘二首

過九江得順風舟不得泊四日夜抵漢陽前此

皆苦石尤儔嘗逆境得四首

異鄉對月

楚中家報

雨晴喜客至

治圃二首

脫劍示客

鄉居口號

題郝子山居

壬子夏日陪董大中丞暨轄下諸公隔水輟射

射畢暢飲大中丞命作五言絕句十首卽席

成之

春陰

答陸子訊晤期

久雪

閨詞四首

宮詞

漁人換酒圖二首

雲林小景

午睡

吳鈞行

客中送鄉人

倚樓美人圖

題雲林小幅二首

守歲

促袁大登舟

生日口號

偶錄

逐蚊

看雲掃葉圖

寄友

夏日雜咏三首

夜起獨坐聞塔上鈴聲

秋聲二首

寓中卽事

老僧自嗟頭白口占答之

七夕

奴子覓火吃煙望則有形求之不得詢之路人
知爲鬼火云

月下渡河

嚴陵釣臺

聞笛

贈友三首

製花欄

喜晴二首

新嫁娘四首

贈高處一首送人之闕

虎丘于人石上聽曲四首

送無上人行脚

留別

桃花源圖

偶感

風聲

誰友

菊葉爲蟲所蝕

澆古墓

梅花

戲題友人太師之月圖

旅夜

贈友水中丞

七月七日抵家

訪漱上人于雲林侯人不出知其飯未畢也書

几上讀之

桃花

聞社鼓

題友人山居

家有藏膠爲童子盜飲幾盡

亂後借書

訪友不值

早讀二首

辭酒帖

題畫四首

泊塘栖口號二首

中秋日抵嘉禾

和友人春遊芳草地三十詠

有借予閒情偶寄一閱閱不數卷卽見歸者因
其首論填詞非其所尙故耳以詩答之

乞友改詩

六言絕

山家二首

垂綸二首

山行二首

暑夜招同輩小飲

釀酒

七言絕

上航驛伍使君送酒

製衣寄內

擬木蘭父送女從軍

少年行

小至日

聞鳩

瓶梅

山中留客

病起作書

漁父

賣樓徙居舊宅

贈金山老衲

早行

寄內

贈左籓幕客

自常山抵開化道中卽事六首

自開化抵常山舟中卽事六首

村園海棠

采蓮歌十首

伊園十便

伊園十二宜

從賣花者貰柑橘數本約來歲償其值

植棗

養苔

移薔薇

作屏種月月紅

收鷄冠花子

種水仙

郡邸有花數種子歸葺舍灌漑無人肯先後
死惟芍藥尙有生機移歸忘喜

芭蕉二首

惜桂

病中口占

乞巧辭

遺友棕帚代柬

閨詞

輓韓國士二百

渡錢塘

七里溪

題畫

西子半身像

賢內吟十首之四

納姬三首

新釀初熟邀二三鄰友共嘗戲柬二絕

遊白龍洞

美人位置八首

鄭將軍蕩寇凱歌三首

薙髮二首

爲金長真太守題畫八絕

四方諸友書來無不訊及新製填詞者不能盡

答二詩共之

對鏡

五十生男自題小像志喜二絕

涼州

題酒家壁

潼關阻雨

送友之燕

春日署門

召仙

鮮荔枝

題畫

新正自秣陵鼓棹梅已盛開歷一月而抵漢陽
梅之著花者仍與秣陵相似是吳楚節氣之
遲早予親驗之因以詩紀其候

堵天柱熊荀叔熊元獻李仁熟四君子携酒過
寓觀小坡演劇元獻贈詩四絕倚韻和之

寄懷荆南王鳴石憲副四首

次韻和王茂衍少叅過呂仙祠四首

次韻和王茂衍少叅新柳二絕

題畫龍送熊子歸江表

題畫龍送紀應以歸燕趙試

卧遊山房一百次紀子淵郡伯原韻

次韻和顧赤方見贈三首

題陳松野所畫山水二絕

觀楚人種竹

太宗伯冀芝麓先生書來有將購市隱園與子

結鄰之約喜成四絕奉寄以速其成

題何鳴九小像

鄭房季爲開君如君新設二榻並祝宜男諸同人各擬賦詩屬予首倡遂成八首爲荀氏八龍之兆

和劉子岸先十無詩

陳宗來中年乏嗣納姬漢陽適家報至闔庭中
本瓜結實其數倍于往年是生兒佳兆也座
客以瓜字限韻遂成二首

熊元獻生孫

初聞元獻生孫賦詩稱賀乃詩成未錄而使者

至云是女孫非男嗣也再賦一絕以正其訛
有遣侍兒過寓學東姬盟薛者家姬欲贈以詩
苦不協律情予代之遂成四絕

題陳松野畫烟雨圖

雪後泛湖

謁岳武穆王墓

存以舊貂謬充新物託友人求售于予者代柬
嘲之

端陽前五日尤展成余澹心宋澹仙諸子集姑

蘇寓中觀小鬟演劇澹心首倡八絕依韻和之

端陽後七日諸君子重集寓齋備觀新劇澹心又疊前韻卽席和之

拉友看月

避兵前一日自餞

阻風秦郵喜酒米魚鰕皆賤似石尤有靈擇地而發者喜成四絕

湖汀晚泊是夕有酒無魚數日來僅事也

題清河陳氏宅

舟次桃源戲作

舟中題王安節畫冊八首

楚宮詞二首

有母壽六旬正在稱觴忽報誕孫之喜者索詩

漫意

許茗車送菊以詩代柬次韻酬之

秋夜閉門圖二首

李鄴園先生靖遊凱歌二十首

壽佟孚六別駕

古燈上人懷詩過訪偶出不遇二首

看紅葉

曉過采石磯睡猶未醒

茉莉

邊詞

席上贈歌妓王友蘭兼嘲座客

食松菌

柬吳修塘

拉張十九過寓看梅

望故人速來以詩勸駕

次韻答鄰翁索酒

都門送客

都門遇故人失之交臂席間再晤各道姓名始知爲二十年前好友

寒食後一日歸自燕京二首

燕歸速客以詩代柬

偶得

有持縑素乞詩贈其居停主人者援筆立就

冬夜懷熊元獻家仁熟二好友

雨中送客

山中書所見

詠史十絕

和閨端陽四首

次韻贈朱

醫士

嚴陵紀事八首

甲寅到家口號

葺園

早度居庸關

馬上逢故人索彈琵琶一曲而別

喜友遷寓

五翁詩集

卷之七

目次

七

林

楚辭集卷之六

目次

三

蘇文舉

謝士英楚人索戰詩一首而限

早夏歌

荳蔻

笠翁詩集卷之七

湖上李漁著

寄沈心友因伯

男將開信斯

全篇

五言絕

山中送客

送君歸人間。遄行勿回顧。少頃白雲生。欲下山無路。

題畫雜詩

舟泊懸崖下。無人掛綠蓑。想因詩思渴。沽酒入烟蘿。

其二

特編伯評

詩重五言

絕難之體

與五言諸

作曲而能

重復而能

淡二十字

如千百字

妙會各有

其無思之

聞此猶自

矣

李仁熟評

題西十二

首清響

別妙處在

工拙之外

王安節評

以石田方

懷素從人

妙得其倫

吳修蟾評

青蓮奇句

卷之七

藏板

君不住深山偏解山中事。所畫輒相符。為熟桃源記。

其三

最愛石田畫。無如贗者多。逼真惟此幅。易辨是山阿。

其四

學畫學沈周。學書學懷素。信筆怒濤生。中流無砥柱。

其五

萬曲蒼崖裏。寧無處士薹。非關茅屋少。自是白雲多。

其六

山居無穉物。老樹半猶龍。靜極一長嘯。驚雲過別峰。

杜詩伯評

妙在眼前
語人人欲
說人人說
不出得
妙能之

其七

一翁沽酒來一翁抱琴去
相值斷橋邊桑麻話絮絮

其八

雲埋屋後山草塞門前路
架上擁殘書先生獨閉戶

其九

為訪漁樵伴因過雲水隈
無人休喚渡風漾小船來

其十

喜釣不垂綸羨魚不結網
坐收水面租自號鷺湖長

其十一

閒乘一葉舟。點破洞庭秋。隨風早晚泊。信水東西流。

顧赤方評

得五言絕中三昧

其十二

日暮釣初收。雨晴蓑未脫。歸到竹籬邊。籠中魚尚活。

熊元獻評

其笠翁如

才老而更進之識耶

見曉霞補成一絕

夢中曾得句。江管復生花。醒來何處覓。散作曉天霞。

客中聞鄰婦夜泣

夜半誰家婦。臨風宛轉啼。天教征婦口。訴出旅人妻。

窮途遇故人無錢沽酒戲成二絕

買醉一錢無。偏來舊酒徒。此身如可賣。願作酒家胡。

其二

杖頭錢已盡。舊侶忽相逢。相對惟玄酒。居然太古風。

答友二絕

莫訛諸豚犬。多少白眉他。年到門客鳳。不勝題。

其二

詩客來年少。相逢半酒人。奚囊無和句。巴里盡陽春。

伊園雜詠 予初時別業也

燕又堂

修元獻評
較校精更

笠翁詩集 卷之七

三

燕板

佳客不須速。青山自解招。有時防客去。抽斷路邊橋。

停舸

海外有仙舟。風波不能險。長停非逗遛。礙却蓬萊淺。

宛轉橋 過橋分野色唐人佳句也

橋從戶外斜。影向波間浴。野色不肯分。臨分情委曲。

蟾影

半生空作蠹。食字饑如故。移住月輪中。長爲搗藥兔。

宛在亭

剝啄聲難到。家居浩淼間。海中瘦蓬島。江上小金山。

打菓軒

王茂衍評
打字穩

從教屋上金。懸着簷前瓦。不肯飽饒。客來時一打。

迂徑

王茂衍評
寫生妙手

小山深復深。幽徑折還折。甘守本來迂。不學終南捷。

踏影廊

手撚數莖髭。足踏羣花影。錯向月明中。呼童拾藻荇。

來泉竈

吳修蟾評
自語趣甚

山厨無遠汲。泉自渡危橋。却笑顏回富。多予一箇瓢。

題朱子年畫蘭冊子

愛蘭愁易萎。徧覓壽蘭方。妒爾生花筆。能留不死香。

贈山中人

楊西莊評

似晉魏人

語盛唐高

手蹈襲不

得何況後

來

顧亦方評

鷗坐疑人

帆落疑鷗

是夕陽真

景

家住萬山曲。常來市肆間。不閱世情冗。焉知道味閒。

我愛江村晚

我愛江村晚。千帆下白鷗。沙汀先後集。熟認始為舟。

其二

我愛江村晚。周遭五色霞。水天成一抹。無處覓晴沙。

其三

我愛江村晚。家家釀白雲。對門無所見。雞犬自相聞。

胡彥遠評

二十字寫

出一幅桃

其四

我愛江村晚。曙光繼日光。空明無障翳。何處得尋黃。

其五

我愛江村晚。諸興盡。時。三。初。閒。論。次。無。語。不。含。詩。

其六

我愛江村晚。門無顯者車。道旁沽酒伴。什九是樵漁。

其七

我愛江村晚。牛歸飯熟時。家家兒女笑。為絕遠人思。

其八

周伯衡評

名刊人創

色

陸麗京詩

使人拜者

拜人何異

止公說法

我愛江村晚。風晴雁不孤。戈人歸去後。羣鳥盡歡呼。

庭中怪石

一卷山意足。何必徧嶙峋。蹲伏幽窗外。翻疑石拜人。

立秋日雨

倏忽晴光變。簷低瀑欲流。祇因交節令。無雨不成秋。

梨花海棠便面

素艷傍嬌紅。幽芳兩相結。無香似有香。欲雪不成雪。

書尺

東風不識字。盡日攪殘編。得君鎮雅俗。紛然盡帖然。

虎丘二首

人爭虎丘月。隙地肯教空。若不聞歌吹。幾來聞市中。

其二

人來因聽曲。我爲覓周郎。一字無人顧。纔知此道荒。
過九江得順風。舟不得泊。四日夜抵漢陽。前此

皆苦石尤。備嘗逆境。

風利舟難泊。濤聲作枕頭。斷黃皆夜渡。不見兩名州。

其二

破浪三春日。乘風萬里游。若偕詩酒伴。何暇覓封侯。

周伯弼詩

四絕皆有
天然風致

其三

天子新汗漫足補舊通邇。雖是循環數。何其太顯然。

其四

布帆久不掛。一掛豈容收。可惜漢陽樹。不生天際頭。

異鄉對月

周伯衡評

本白妙句

多情是明月。異地必相親。莫道無知己。天邊有故人。

楚中家報

自別金陵蟹囊空。市味疎長齋。幾繡佛纔食武昌魚。

雨晴喜客至

吳化增評

笠翁手朋

友一遺不
翅性命非
止但傷飲
食而已上
此以視一
班

才齋風雨後亦復有晴時見客即為瑞開樽敢後時

治圃

老農不可作國事尙堪娛寧為夫子薄吾願學樊須

其二

滿園紅紫地不及菜花天八口保無饑雖饑亦可延

脫劍示客

寶劍世常有相逢劍客難十年藏俠器今日為君彈

鄉居口號

百胝營朝食千脍治晚飧不堪農事苦減食勸兒孫

題郝子山居

簷低飛瀑入屋角。少晴時。豈乏綢繆計。幽情獨在斯。

壬子夏日陪董大中丞會敬李大將軍。還壽劉

方伯元輔。張方伯九如。高臬憲欽如。王副憲

鳴石。王少叅茂衍。婁觀察君蒼。李叅戎君瑞。

隔水較射射。射畢暢飲。大中丞命作五言絕句

十首。卽席成之。

易欽如評

不漫不奪

洋洋雅奏

洵盛世之

音

其二

鈴閣清閒日。游畋樂事多。文臣多善武。國勢壯如何。

大將投壺曰。儒臣習射時。太平文武事。互用更相宜。

其三 大將軍。長公次公並射。皆絕技也。

爲試雙鵬手。因之識二難。將門纔有將。勿作偶然看。

其四

隔池安正鵠。水戰習昆明。細柳邊鼓。特來報捷音。

其五

閒爭非逐鹿。何必較雌雄。但計一時酒。功歸一笑中。

其六

試罷穿楊技。來聽奏管絃。天山初定處。韶武正宣宣。

李仁詩評
如此方是
詩林不則
與軍伍稱
公作其

其七

滿座冰壺客。炎威不敢侵。荷香飄動處。爽艷助開襟。

其八

漁艇因詩設。遊鱗莫浪猜。射非緣鳥至。釣豈爲魚來。

其九

滿堂皆繡袞。野服雜其間。我自多漸色。人偏益笑顏。

其十

共享昇平福。歡聲動似雷。沙堤明月照。將相並車回。

高欽如評

太平盛事

春陰

欲雨雨亦果。徒昏未午天。萬山不見樹。衆鳥自啼烟。
答陸子訊晤期

來歲相逢處。洪崖洞口花。萬山迎我棹。一水到君家。
久雪

雪是豐年兆。難禁十日飛。欲徵來歲飽。先甚隔年饑。

閨詞四首

不。自。知。惟。悴。全。虧。鏡。未。磨。矇。矓。惟。見。影。便。是。昨。時。多。

其二

何處徵肥瘠。湘裙帶二條。已經寬若許。再認更無腰。

其三

閒時理衣裳斑駁無完色。初疑屋漏痕細看出濕拭。

其四

簷鵲朝朝喜燈花夜夜開。物知消息香故爲証人來。

宮詞

夜半遙來輦雙燈似有形。細觀風露下螢火自星星。

漁人換酒圖二首

茅屋溪山裏烟舟曲水濱。從來沽酒客半是釣魚人。

其二

漁人不種秫。酒家不垂綸。得來隨貿易。彼此互爲身。

題雲林小景

最愛笛聲清。登樓時把握臨風。不敢吹恐惹梅花落。

午睡

何處堪消倦。不言桃李蹊。難醒是春夢。囑鳥及時啼。

吳鉤行

把酒看吳鉤。吳鉤光陸離。不事滿眼欲。試宜先誰。

客中送鄉人

妒殺同來伴。輕帆掛落暉。此身移不動。將夢赴船歸。

陸左樞評

能以中管
作于史氣

倚樓美人圖

樓倚娉婷子。凝眸顧水濱。淡烟深樹下。應有斷魂人。

題雲林小幅二首

雲去柴扉見。烟生屋角蒙。山人負鋤出家在。有無中。

其二

山民自善藏。環宅皆深樹。高閣無人登。白雲常借住。

守歲

張燈過此宵。有酒急須酌。勿使好年光。暗中偷換却。

促袁大登舟

余鴻客評
矢口而談
皆成妙語

范安白評
仙人所擬
難以乘雲
之便

莫戀烏程酒。同舟拭自頻。行人待潮去。潮不待行人。

生日口號

人皆嘆百歲。歲多愁亦多。不如聽修短。行樂戒蹉跎。

偶得

松暗林間月。荷翻水上風。三分吾自得。大半與人同。

逐蚊

蒙汝愁無血。吟詩瘦可憐。仁風聊勸駕。歸去月明天。

看雲掃葉圖

掃空仍復有。纔聚又將分。難除惟落葉。易散是秋雲。

寄友

今歲山田好家家治酒杯。卜鄰如定幾牛具。早為

夏日雜咏

雷聲起。薄暮不雨亦生涼。莫上中庭月。人心屬電光。

其二

愛春春去早。畏暑暑歸遲。惟酷始能入。溫和得幾時。

其三

愛坐清涼石。嘗教綠蔭遮。夜深明月底。一嘯落松花。

了翁圖評

不我放

諷諫詩

銀瓶圖評

大類清泉

石上之咏

何減王維

夜起獨坐聞塔上鈴聲

曹秋岳評

襄陽佳句
復見

月愛中庭好。留人伴草蟲。夜深千籟寂。一塔白鳴風。

秋聲

初客未知愁。秋聲倡起頭。如何寒未至。先覺意颼颼。

其二

不解雲中鴈。偏疑月下砧。聲中非有刺。人耳亦何深。

寓中卽事

槐服回評
眼前事
未經人道

不但居無竹。庭荒少綠苔。正難醫俗處。鄰笋過牆來。

老僧自嗟頭白口占答之

縱使僧頭白。還應薄似霜。傲人深雪裏。日作孟襄陽。

顧詞評

洗盡齊梁

兒纖態仍

是寄託高

啟

全宋詩集卷之十

十一

藏板

七夕

天巧盡歸人人謀鬼神屈牛女至今宵合向風塵乞
奴子覓火喫烟望則有形求之不得訊之路人

知爲鬼火云

僮僕嗟行早求烟慰苦辛悞從燐乞火難得鬼憐貧

月下渡河

到岸方知水行來是月光一舟橫野渡白盡又疑霜

嚴陵釣臺

漁磯到處有人死跡隨淹獨怪此山石千秋只姓嚴

聞第

怪煞承平日江南忽此聲人情尤可慮入耳不心驚

贈友

落筆怒濤生。酣歌劍欲鳴。可憐文字好。無地擲金聲。

其二

詩酒君同擅。才驍氣復馴。詩如逢俠客。酒似遇佳人。

其三

美爾能高曠。深情我獨知。曠非由絕俗。高在不譚詩。

製花欄

顧彥汾評

只起句抵一篇愁賦

佳事本難驟其如性若湍未謀分菊土先製待花欄

喜晴

不道果然晴歡多反若驚看花慶老眼此際忽分明

其二

檻外雲都徹青山喜見人重描新婦黛不作舊家顰

新嫁娘四首

對郎懷父母展袖看啼斑不喜吹燈早低聲怒小鬟

其二

已去尙思家臨歡猶灑涕不期新嫁娘尙存古時意

其二

三朝送茶湯。嬌羞難出手。行到阿姑前。錯聲呼阿母。

其四

舉足渾身快。擡頭滿面羞。誰云新婦好。三日兩朝愁。

臨高臺二首送人之闕

送子臨高臺。天留不使開。無人衝浪去。有客掛帆來。

其二

與子臨高臺。欲別不成別。但祈明日風。還似今朝烈。

虎丘千人石上聽曲四首

曲到千人石。惟宜識者聽。若逢門外客。翻著耳中聲。

其二

並無梁可繞。只有雲堪遏。唱與月中聽。嫦娥應咄咄。

其三

堂中十分曲。野外只三分。空聽猶如此。深歌那得聞。

其四

一讚一迴好。一字一聲血。幾今善歌人。唱殺虎丘月。

送無上人行脚

入粵經壇聳。歸秦法界寬。莫愁難卓錫。大地一蒲團。

韓子題評

此詩妙絕

處不復

史記此評

偶然一語

道出此中

三昧。

留別

高車且莫脂斗酒爲君設
非關泥遠行不醉焉能別

桃花源圖

不識此何地常于紙上逢
桃花來水上雞犬在雲中

偶感

昨筭今成竹今梨昨始花
光陰如速帖催客過誰家

風聲

千林楓葉墜萬樹松濤沸
中有獨眠人心同蕉卷碎

謹友

聞汝床頭物。從來不醉人。如何今破例。得莫有前因。

菊葉爲蟲所蝕

得雨偏加翠。經霜未肯凋。誰今階砌上。花影瘦。今宵。

澆古墓

古墓無人掃。來澆酒一杯。焉知千載上。不與共金甌。

梅花

是花皆有葉。少葉是寒梅。一色無粧點。羣芳數異才。

戲題友人太湖泛月圖

滿船都載酒。來泛太湖波。非避虎丘月。逢關奈稅何。

韓子遠評

詠梅未有
及此者

此作非主

不能

王孟集中

亦不為

注蛟門評
未能免俗

顧梁汾評

纔見如題
之妙合集
皆然

旅夜

秋盡天離水。林空月到門。夜闌無宿伴。杯酒自寒溫。

贈友水中丞

知君勤筆札。即墨少乾時。特遣中丞去。牢牢守硯池。

七月七日抵家

百事未能做。仍歸咬菜根。入門當七夕。拭竹曬長禪。

訪漱上人于雲林。候久不出。知其飯未畢也。書

凡上謹之

懶殘煨芋熟。正是客來時。不足分佳食。因而自啖之。

桃花

不○開○桃○則○已○開○則○滿○山○紅○却○似○元○宵○夜○家○家○火○樹○中○

聞社鼓

社○日○猶○未○到○家○家○社○鼓○鳴○宴○神○猶○速○客○先○日○使○聞○聲○

題友人山居

洵○是○幽○人○宅○誠○哉○處○士○窩○樓○寬○不○容○膝○祇○為○礙○書○多○

家有藏醪為童子盜飲幾盡

有○客○愁○無○飲○仍○歸○與○婦○謀○答○云○多○吏○部○豈○復○在○床○頭○

亂後借書

韓子詩評

陸放翁詩

筆力極其

形容不若

二語簡而

盡

聞與秦皇別收書復滿樓不知曾破例肯否借荆州

訪友不值

看竹愁無主迴廊喜徧過深房牢鎖鑰知爲異書多

早讀

讀書不待暇暇日更宜書豈可甘疎渴人而蠹不如

其二

襟披殘暑後書讀早涼時不是果勤學身先爲課兒

辭酒帖

座客皆年少霜顛止一人預愁妨樂事先乞向隅身

顧梁汾評

不知者但

見遊戲筆

墨孫却苦

心矣

題畫四首

謝安評
惟我與爾
有是夫

巖居已足誇。塵世難回顧。更有浮家人。鄙山不足住。

其二

松下無多客。翛然幾幅巾。青山不厭老。偏集杖藜人。

其三

不見衆山形。似聞流水響。繞幅覓詩題。青空難着想。

其四

山深車轍少。地僻隱侯尊。不是探奇客。誰人敢叩門。

泊塘栖口號

臧介子評
右丞妙句

出戶惟雙手。無錢杖不携。欲尋踪酒伴。未晚泊塘栖。

其二

如船誇大藕。似水愛鮮菱。一抱數錢買。還愁食未能。

中秋日抵嘉禾

佳節抵嘉禾。停撓卽放歌。只須明月好。何必主人多。

和友人春遊芳草地三十詠

一東

春遊芳草地。坐愛落花紅。不許南湖水。牽人入鏡中。

一二冬

春遊芳草地。一歲一相逢。人生稀七十。競踏莫辭慵。

三江

春遊芳草地。一碧抵長江。不到茫茫處。人心未肯降。

四支

春遊芳草地。結伴怪來遲。晝夜平分半。爲歡僅六時。

五微

春遊芳草地。人健力能飛。不抵懸崖上。終慙酒力微。

六魚

春遊芳草地。軒冕恕樵漁。駿馬垂楊岸。容人繫跛驢。

七虞

春遊芳草地。地煖勝。理。何事。蠻毡上。終年與婦俱。

八齊

春遊芳草地。觸目盡佳題。詩滿行囊重。歸途厄小奚。

九佳

春遊芳草地。男婦若同儕。自尋蹊徑走平路。讓以快。

十灰

春遊芳草地。古墓向人催。若不早行樂。金錢變紙灰。

十一真

沈因伯評

有嫌二意

韓子遠評

痛語

春遊芳草地。珠履踏香塵。能開金勒馬。纔是善遊人。

十二文

春遊芳草地。蝴蝶亂紛紛。誤掠紅粧面。桃花色不分。

十三元

春遊芳草地。壺榼滿乾坤。太平于此見。野老識君恩。

野老識君恩
思歸太早
景象如畫

十四寒

春遊芳草地。騶馬赤金鞍。戎服誰家女。琵琶作意彈。

十五刪

春遊芳草地。落得幾朝閒。歸去騎妻老。云從世外還。

一先

春遊芳草地。香霧結成烟。氣若蘭開紫。花中定有僊。

二蕭

春遊芳草地。野渡倩人招。隔岸嗟寥落。都因水斷橋。

三肴

春遊芳草地。南郭復東郊。只莫過城北。邛山有故交。

四豪

春遊芳草地。白髮混兒曹。忌說韶光短。逢人耻燕毛。

五歌

韓子嫁評。

雍門之悲。

西河之憫。

不過是矣。

春遊芳草。地無奈酒人何。興不耽花事。情惟寄酒羅。

六麻

春遊芳草。地人境兩堪誇。處處當鑪女。門前有杏花。

七陽

春遊芳草。地。把酒論興亡。聞說徵歌處。曾爲古戰場。

八庚

春遊芳草。地。杖後獨携鎗。酒可沿途買。茶須手自烹。

九青

春遊芳草。地。勝事繼蘭亭。莫使無遺蹟。徒然了踏青。

又評

是歌後法

莫作一層

看

陳天序評

卽是酒史

茶經

春遊芳草地時好急須乘莫作陰時看東望示勸懲

十一尤

春遊芳草地人各競風流畢竟豪華事還是第一流

十二侵

春遊芳草地谿谷耐幽尋不學平原驟千花共一林

十三覃

春遊芳草地曉趣野人諳公卿來尙未必待放朝參

十四鹽

春遊芳草地。最喜近無鹽。若遇傾城色。肝腸易使黏。

十五咸

春遊芳草地。大袖復長衫。行借東風力。渾如體掛帆。

有借予閒情。偶寄一闌閨。不數卷即見歸者。因

其首論填詞。非其所尚故耳。以詩答之。

讀書不得法。開卷意先闌。此物同甘蔗。如何不倒餐。

乞友改詩

老婦容多缺。逢人欲避觀。從君乞獺髓。補我面痕癢。

六言絕

山家二首

曆少不知晦。朔雲多那辨。晨昏此時混。沌已絕頓爾。
山家獨存。

其二

山犬無人亦吠。林鷄不曉常鳴。少此閒中聒噪。終年
幽夢誰醒。

垂綸三首

纔把漁竿坐却。便有樵翁接談。伴侶不求自得。招我
枉費書函。

尤展成評
三首漁人

一生朋友
妻兒俱經
道盡

言身

卷之七

三

藏板

其二

只少漁人眷屬輸他骨肉同心婦坐船頭聽潮見蹲
石上敲針

其三

鳥角爭如箬笠羊裘不換蓑衣常笑渭川多事老來
撇却漁磯

山行二首

穩步如行平地同看却在層雲聽徹潺湲十里聲可
俗病三分

其二

雲色下連崗。禽聲仰答泉聲。樵子山腰斷。行人
蹇背詩成。

暑夜招同輩小飲

脫去渾身襍。纔招來滿座。絃不逢今夜。可喜誰知。
今日堪憐。

釀酒

不飲偏思釀酒。常援古事喻今。支通榼中。參馬瀟明。
壁上懸琴。

七言絕

上航驛伍使君送酒

列國通津古上航。棕櫚庭院薜蘿牆。詩成醉殺元郎酒。亭長扶人上驛床。

製衣寄內

因憐小婦歎淒風。製就寒衣託便鴻。翻却從來征士局。閨中不寄寄閨中。

擬木蘭父送女從軍詩 予七言絕句多有用

入傳奇者。如此絕句。在意中緣是也。自用已

江驛詞評
唐詩之最
佳者然余
讀唐絕句
其尤如笠
翁上航驛
諸篇實不
多見也

詩重非勸懲。口不辨。請出兩手。故揚出
解疑

蛾眉孝子作忠臣。魏殺鸚鵡皮。一老親。誰道。初。天。尹。女。
事。嫺。皇。原。不。是。男。身。

少年行

王十一評
首二句是
豪氣少年
三四是有
學問少年

睚眦相爭。過便休。相逢仍上酒。家樓寶刀不肯輕寄。
試留報人間。二大讐。

小至日

纔到陽生日。便遲佳人添線。我添詩。梅花也爲分陰。

笠翁詩集卷之七

藏板

惜添放含春蕊一枝

聞鳩

百鳥經春噪不休。音繁堪喜亦堪愁。東君憎巧翻憐拙。不喜聽鶯喜聽鳩。

瓶梅

態元微評
香山夢句
膽瓶春色映繡紗。一座清香數盞茶。散郎道人無坐性。閉關十日爲梅花。

山中留客

熊元微評
淡語幽尋
正自難忘
山中何物可留君。醉甲糟鱗幾夜醺。尙有蠶裙羹未熟。

煮伴僮再宿一宵雲

病起作書

盡日繩床卧欲醒。起。來自選越人方。日昏手戰強鈔取。緩就翻成急就章。

漁父

懶費辛勤種綠疇。和桑賣盡買漁舟。波恬浪靜無篙櫓。趺坐船頭信水流。

買樓徙居舊宅

熊元獻許
達入高致
此其所以

茅。齋。改。姓。屬。朱。門。抱。取。琴。書。過。別。村。自。起。危。樓。還。自。

爲銘

諸大柱評

是贈金山

老衲

用不得

空齋詩集卷之七

三

藏板

實不將蕩產累兒孫

贈金山老衲

跌坐江心不計年。濤聲帆影悟真禪。名山齋供誰能似不飲人間第二泉。

早行

鷄鳴自起束行裝。同伴征人笑我忙。却更有人忙似我。蹇蹄先印石橋霜。

寄內

但看霜風敗葉林。便知寒客念鄉心。布衣裂盡來時

繼欲借山僧補衲

贈左籀幕客

大吏通侯並馬驅。偏師小將執鞭隨。書生獨勝千夫長。一掃唐人輕薄詩。

自常山抵開化道中即事六首

山路巉巖屐齒平。能高能下一兜輕。多情忽觀雲頭雨。催得詩成却又晴。

其二

病後雖無濟勝材。扶筇偏喜陟崔嵬。等詩莫避山巖

李仁熟評

書生吐氣

非憤避人

看不到非

高舉人說

不出

險好句多從險處來

其三

山雨初收野色凝
菜花麥浪壓芳塍
征人爲得行吟趣
聞却肩輿不肯乘

其四

雲霧山中虎豹眠
千年松子大於拳
自從柯爛無人伐
萬丈奇杉欲上天

其五

常山北去二十里
有兩石夾道名曰石門
路窄而險肩輿不能度
貴介至此亦徒步

距文自許

奇哉尚水

周集中不

多耳

過之

鳥道羊腸信不虛。路竊客足更無餘。丈人相對巖門立。不叱王侯自下車。

其六

聞道山中食力民。一生衣祿仗柴薪。原來不執樵翁斧。種就青山判與人。

自開化抵常山舟中卽事六首

解纜開帆信急湍。浪花飛作雨聲寒。金谿一滴驚頭水。題到常山硯未乾。

周房仲評
事極平常
却無入道
得由

其二

九晚柯評

括得一篇

泰山封禪

記

白丈危峰翠渺茫。一痕界破是周行。征人行道無雲處。纔可肩輿寸許長。

其三

楊西近評

山行真景

六首略遺

有此妙意

亦復賴此

妙筆

過耳溪聲過目山。溪山忙處我偏閒。更宜樹動嵐風起。推出雲中屋幾間。

其四

昨從山路俯看舟。一葉微茫水上浮。今日銀觀山上客。星星飛鳥樹梢頭。

其五

枕臂悠悠夢復醒。無心不問過來程。
恍然起與鷗相狎。無數青山學笑聲。

其六

兩岸峰高日易曛。牛羊星散鳥成羣。
獨餘樵叟不歸去。偏在山腰欲暮雲。

杜園海棠

此花非比別花來。說破東君着意培。
不怪少陵無贈句。多情偏向杜家開。

李仁熟評
恰好是杜
園海棠

吳彥遠評

十首絕妙

竹枝歌手

獨絕

蘇元獻評

十首寄託

深遠不徒

艷麗為工

采蓮歌十首

兩村姊妹一般嬌。同住青溪隔小橋。相約採蓮期日。至來遲。罰取盪輕桡。

其二

採蓮欲去又逡巡。無語低頭默禱神。折得並頭應嫁。早不知。佳兆屬何人。

其三

採蓮只唱採蓮詞。莫向同儕浪語私岸上。有人聞處。立看花。兼看採花兒。

其四

不識誰家女。少年半途來。搭採蓮船。蕩舟懶用些須力。纔到攀花。又占先。

其五

郎看妾在水中央。妾笑回看岸上郎。去歲採蓮猶未嫁。曾將比翼妒鴛鴦。

其六

漁翁去上酒家樓。遺却長竿倚樹頭。小妹竊來偷笑。把採蓮舟作釣魚舟。

無元獻評

衣室見有此嬌憨

其七

姊妹朝來喚採藥。新粧草草欠舒徐。雲鬟搖動渾鬆。
却歸去重教阿母梳。

陸麗京評

花中悟道不知者目為豔詞

其八

人在花中不覺香。離花香氣遠相將。從中悟得勾郎。
法只許郎看不近郎。

其九

同來同採更同看。帶葉連房任所懽。只有一枝不肯。
讓鬪爭並蒂結成團。

項大柱評

寫女郎情

情人妙香

人子夜歌

之遺也

王茂衍評

白染膏染

不識歌賦

何物拾枝

情最兩語

作田園語

無那堪人

眼

其十

振到昏黃花漸無却來葉上弄珍珠雙購水忘歸
去圓處為羸碎作輪

伊園十便 有小序

伊園主人結廬山麓杜門掃軌棄世若遺有客過
而問之曰子離羣索居靜則靜矣其如取給未便
何主人對曰余受山水自然之利享花鳥慰勤之
奉其便實多未能悉數子何云之左也客請其目
主人信口答之不覺成韻

先修詩評

潮州十批

源學顯風

平谷而成

此十絕置

身其功不

帝義皇葛

天矣

李仁顯詩

十首寫盡

山居之樂

令人神往

全宋詩卷之十一

三

藏板

耕便

山田十畝傍柴關。護綠全憑水一灣。唱罷午雞農就食。何勞婦子儘田間。

課農便

山窓四面總玲瓏。綠野青疇一望中。凭几課農農力盡。何曾妨却讀書工。

釣便

不蓑不笠不乘舸。日坐東軒學釣鰲。客欲相過常載酒。徐投香餌出輕條。

不獻評

山林中經

濟語

不數中

諸國事

絕來便

客猶帶

灌園便

築成小園近方塘。菓易生成菜易長。抱甕太癡機太巧。從中酌取灌園方。

汲便

飛瀑山厨止。隔牆竹梢一片引流長。旋烹佳茗供佳客。猶帶源頭石髓香。

浣濯便

浣塵不用繞溪行。門裏潺湲分外清。非是幽人偏愛潔。滄浪引我濯冠纓。

樵便

臧婢秋來總不閒。拾枝掃葉滿林間。拋書往課樵青事。步出柴扉便是山。

防夜便

寒素人家冷落村。祇憑泓水護衡門。抽橋斷却黃昏路。山犬高眠古樹根。

吟便

兩扉無意對山開。不去尋詩詩自來。莫怪囊慳題詠富。只因家住小蓬萊。

元展成評

讀笠翁詩

每令人神

游懷葛不

獨山居詩

作為然也

眺便

評
卷
之
上

之
上

叱羊仙洞赤松山。一日雙眸數往還。猶自未窮千里興。送雲飛過括蒼間。

伊園十二宜

宜春

修
蟾
評

十
例
兼
以

十二
宜
即

之五
車
亦

堪南
面
况

笠翁
胸
富

萬卷
筆
掃

千言
百
城

應退
三
舍

方塘未敢擬西湖。桃柳曾栽百十株。只少樓船載歌舞。風光原不甚相殊。

宜夏

繞屋都將綠樹遮。炎蒸不許到山家。日長閑却羲皇。

卷之七

三

芥子園

枕相對忘眠水上花

宜秋

門外時時列錦屏。千林非復舊時青。一從澆罷重陽酒。醉殺秋山便不醒。

宜冬

茂林宜夏更宜冬。禦却寒威當折衝。小築近陽春信早。梅花十片案頭供。

宜曉

開窓放出隔宵雲。近水樓臺易得昕。不向池中觀日

方許
清觀莫過

此杜詩反

照入江都

石室只此

老道過今

有餘氣

色但從壁上青波紋

宜晚

牧兒歸去釣翁休。畫上無人分外幽。對面好山纔別去。當頭明月又相留。

宜晴

水淡山濃瀑布寒。不須登眺自然寬。誰將一幅王摩詰。曬向當門倩我看。

宜陰

沈因伯評
家語對
予云韻入

烟霧濛濛莫展開。好詩憑着黑雲催。捲簾放却觀天

計便宜處
全在人裏

我取風雨
晦明四字

我有一三
其人同者

共一明字
耳觀陰雨

二詩可見
李仁熟評

留易香三
字絕妙創

語

熊元獻評

韻人韻事

全第言集卷之十

三三

燕

眼多少奇峰作意來

宜雨

小漲新添欲吼灘。漁樵散去野蓑寒。溪山多少空濛色。付與詩人獨自看。

宜風

鳥歸芳樹蝶過牆。花與隣花貿易香。聽罷松濤觀水。山殘紅繖處又成章。

從賣花者貰柑橘數本約來歲償其值

蕭然不顧龜無烟。仰屋惟嗟買樹錢。酒貴詩通償未

了又拖花債到新年

植樹

乞得安期核一枚種成小樹却移栽好憑密葉藏朱
實莫使僂童挾棒來

養苔

尤展成評
詠詩出以
典雅惟登
翁能之

汲水培苔淺却池隣翁拍手笑人癡未成斑蘚渾難
待繞砌頻呼綠拘兒

移舊薇

鄰翁割愛贈芳菲香氣沿途引蝶歸拚手種花忘

卷之一

三

藏板

刺指疼方憶弄薔薇

作屏種月月紅

王茂衍評
巧心匠手

選竹編籬掛彩幡花王封建作屏藩憑君獨力留春
住一歲芳菲十二番

收雞冠花子

王左軍評
極尋常話

拍甲搔花碎紫雲雖非異卉也芳芬時防撒却還珍
惜一粒明年一朵雲

人手便成
仙語

種水仙

往事曾觀紀異編食花八石便成仙
蕙伊非信荒唐

說祇愛幽芳雪裏妍

郡邸有花數枝子歸茸舍灌溉無人皆先後枯
死惟芍藥尙有生機移歸志喜

名花次第萎秋風夫却春時綺綉叢紅藥有方能白
壽獨延殘息待家翁

芭蕉二首

一種清姿碧玉如曉烟散後露乾初半緘偶爲東風
折展出先天不字書

其二

王德信評

芭蕉子悽

素後又遇

一知已幸

哉

江晚柯評

別惜別花

不同下語

極對

金瓶梅詞話卷之七

三五

藏板

百○花○題○徧○示○無○私○費○盡○名○箋○耗○却○思○獨○喜○芭○蕉○能○儉○
我○自○舒○晴○葉○待○題○詩○

惜桂

十○斛○黃○金○散○滿○臺○西○風○一○陣○去○還○來○早○知○三○日○都○狼○
籍○何○不○留○將○次○第○開○

病中口占

枕○上○青○山○夢○裏○春○愁○中○心○事○病○中○身○回○儕○共○訝○吟○詩○
瘦○不○信○吟○詩○解○瘦○人○

乞巧辭

李仁執評

乙巧詞汗

半當推此

為從來第

紀子湘評

一尋寫出

如詩幽情

頓入手中

自無俗格

楊西莊評

綉針忽折

六好思致

宜翁事

擬造直是

心孔不凡

女郎莫乞天孫巧。巧似天孫多別離。爭比人間鴛鴦。歸白頭與偕得相隨。

遺友標帚代柬

作帚題詩遠贈君。山中聊此致慇懃。高齋雖是紅塵絕。也好和苔掃白雲。

閨詞

芳心忍負春和日。小閣涼絲綉碧羅。綉到鴛鴦針忽折。畫中好事也多磨。

輓韓國士二首

國士貌偉而都。時有叔寶復

生之譽

花為小像玉為神。不獨人寰絕等倫。上帝憐才兼惜。親修文特用少年人。

其二

穢我形骸十載餘。玉山頽去竟何如。瑤池若使羣英。見火棗交梨。擲滿車。

渡錢塘

故國黃金客。裏銷浮踪深悔逐。萍飄歸期屢負書中。約羞見錢塘有信潮。

李仁熟計

擲棗車用

入晚詩奇

絕奇絕

火棗交梨

一入壽詩

便覺陳腐

可厭茲用

作輓高巧

絕倫天下

本無更書

即此

如是如是

七里溪

景○到○巖○陵○自○不○凡○幽○清○知○畫○始○開○函○好○山○我○欲○遲○遲○
過○卻○雲○中○半○幅○帆○

題畫

山○脉○迂○迴○水○字○斜○行○人○無○處○不○迷○花○青○帘○咫○只○雲○遮○
斷○苦○向○溪○農○間○酒○家○

西子半身像

此首亦入傳奇中

半○紙○天○香○滿○幅○溫○捧○心○餘○態○尙○堪○捫○丹○青○不○是○無○定○
筆○寫○到○纖○腰○已○斷○竟○

紀子湘評

坡老欲為

朝雲作傳

千古上下

人所樂聞

楊西莊評

房幃中有

此異編作

首面有於

色調者能

解如心

紀子湘評

世人皆欲

殺我意獨

惜才近翁

賢內吟十首之四

乙酉小春納姬曹氏人告

竊聽季常之吼予亦將求武帝之美詎知內

子之憐姬甚于老奴之愛妾喜出望外情見

詞中

文君不作白頭吟一任相如聘茂陵妾不專房妻不
如同心共矢佛前燈

其二

爾見猶憐我亦憐香天性有同然一珠何幸擎雙
掌覆去翻來自在圓

之才誠有
可如然如
才者同家
如北過春
亦復不少
此等亦
憐才者亦
如足欲殺
首事

其三

曉沐雖分次第近互相掠髮整雲髮從今閉殺張京兆不復親勞畫遠出

其四

自分多應老曲房山妻揮塵妾焚香逢人便說閨中趣拄杖悠然傲李常

納姬三首

姬卽曹氏爲故明某公之幼妾娶

未暮年而寡其得歸予者以許傲移司馬爲

押衙氏也

楊西莊詩
卷之十

全宋詩集卷之十

三

藏板

其軒率爾降蒿萊乍見還疑作夢猜
陋巷朱門霄壤隔崑崙何術挾飛來

其二

脫却霓裳換縞衣布裙窄稱楚宮圍
儒家不作婆娑舞燕子無煩掌上飛

其三

國色佳名豈易攀休將薄命慮紅顏
郎居宋玉登徒界女在西施嫫母間

新釀初熟邀二三鄰友共嘗戲柬二絕

君家與我宅相連。聞在糟床近。處。眠。夜。夜。滴。聲。渾。似。漏。不。知。流。却。幾。多。涎。

其二

一粒瓊珠一滴瀝。還賠蔬菓倩人嘗。東君不飲徒勞碌。釀酒還如作繭裳。

遊白龍洞

佳境還須漸入來。桃花流水始天台。人間春逐水。盡洞裏仙葩尙未開。

美人位置八首

雅興不減
大蘇

江晚柯評
人間兩語
將一篇大
盡林寺記道

燈前美人

李仁熟評

十首學為

溫柔有煩

上三毛之

妙非日與

南威問子

為緣者那

能親切至

此

人怯春宵燭怯風。銀光搖動海棠紅。撲蛾偶為燈花
惜。却笑無心入畫中。

月下美人

癡客從旁漫比倫。不知便是月中人。重來塵世偷靈
藥。却把蟾光自照身。

花間美人

同病相憐不忍違。客來纔欲轉身飛。天教衣綰薔薇
刺。留待人看不放歸。

尤展成評

親遊傾城

乃能刻畫

至此勿作

想當然有

林下美人

居然隱士在林泉。質好偏從澹處妍。何日得還初服。
好漢書成後。洛英年。

舟中美人

尋常一樣舟行水。載得人奇物亦奇。桂漿蘭橈呈艷
色。溫柔鄉在畫中移。

馬上美人

文君入塞工騎馬。虢國朝天善掃眉。一捻腰從天
轉。最銷魂是下來時。

簾內美人

綉箔低垂不耐風。儼然仙子在雲中。紅塵易隔姿難
隱。越覺珠光透蕊宮。

鞦韆索上美人

清虛謫下本由天。未了人間綺妮緣。變作彩雲歸不
去。離塵幾許作飛仙。

鄭將軍蕩寇凱歌二首

將軍舊備麥州

五載勤王去。麥州重來。猶擁舊貔貅。壺漿父老能風
鑑。原說班超是虎頭。

又評

溫柔鄉情

中筵綺羅

歷歷無

怪乎天人

不言言必

有中

王茂衍評

結句每奪

唐人之勝

其二

却好中秋正。桂花香露拂。旌旗不因小。醜妨佳節。馬上猶吟看月詩。

其三

日出鳴笳萬甲齊。渠魁殲却日纔西。沿途盡蹙鯨鯢血。翻怪歸時滑馬蹄。

薙髮二首

一束勻成幾股分。不施膏沐也氤氲。趕伊尚未成霜雪。好去粧臺襯綠雲。

元獻評
是唐人絕
妙饒歌

其二

曉起初聞茉莉香。指拈幾朵綴芬芳。遍尋無復簪花處。一笑揉殘委道旁。

為金長真太守題壽八絕

耳在鳴泉眼在山。手拈香餌釣溪灣。紛紛應接忙如許。世上幽人那得閒。

其二 花前送酒圖疑陶元亮故事但送酒者

非白衣人

從來韻筆祇摹神。色相無煩肖等倫。但使花前能送酒。

王茂衍評
八首是詩
是四難不
能辨非摩
詰道子不
能稱此題
詠

顧亦方評
好色不自

酒不須定是白衣人

其三 一貓卧花下

劉安雞犬盡飛升。留下狸奴宿錦庭。香國近來無鼠患。不妨權作護花鈴。

何曉九評

其四 烟雨圖

我欲置身此幅

買山焉得米。家山茅屋深藏濃。霧閣不用過人人。不。至讓儂消受一生閒。

倪閣公評

其五

不嫌老
陽

詩朋短鬢各蕭蕭。濟勝偏宜覓酒瓢。為看秋山忘路

遠松風又引度危橋

其六 杏花倒垂

誰將幻筆寫奇妍
花在人間樹在天
鷹鷂昨宵香露重
乘風低壓到簷前

其七

生涯落在小橋東
種秫漚麻計未窮
與客縱談忘日暮
荷鋤歸去月明中

其八

蛾眉爭似遠山雙
絕媚秋容襯水濱
何事草堂無客

坐天留虛席待詩人

四方諸友書來無不訊及新製填詞者不能盡

答二詩共之

寒。閑。場。中。喫。水。難。只。宜。初。夢。到。邯。鄲。近。詞。頗。似。西。湖。
月。縱。好。誰。人。耐。冷。看。

其二

白。雪。陽。春。世。所。嘆。滿。場。洗。耳。聽。巴。人。調。高。猶。喜。弄。春。
雪。冷。熱。同。觀。但。未。勻。

對鏡

元展成
今人問
奇止以冷
無辨優劣
即元人復
出表所用
古語此為
之三嘆

髮邊春去已多時。次第秋霜又到髭。
欲識客顏惟照鏡。人言不老盡諛詞。

五十生男自題小像志喜

年逾四十便蕭條。人說愁多面色凋。
歡喜若能回老態。十年霜髮黑今宵。

其二

再向圖中贅兩詞。不煩雕斲自成詩。
一生好事無雙日。百歲閒身得半時。

似此纔擣汗漫遊。今人忽到古涼州。箇中幾句關山曲。四季吹來總是秋。

題酒家壁

何處山深可學仙。烏鄉若下少塵緣。還童妙藥無過酒。醉後人人似少年。

潼關阻雨

陸行何異在舟中。行止難憑計亦窮。莫德青山徒怨水。車輪也阻石尤風。

送友之燕

顧赤方評

未經道過

范文自評

機趣絕妙

王必草評

看竹何須問主人
古不使人知

王茂衍評

冰雪無塵
宛然仙氣

燕路迢迢冷莫支
夜行迅速晝行遲
吟髭每向冰時斷
切記霜中莫撚詩

春日署門

老畏春寒起最遲
客來須及飯殘時
先期多返山陰棹
壁上惟存看竹詩

召仙

今古才人總在天
詩魂不死便成仙
他年若許歸靈社
願執諸君款段鞭

辛亥之夏呂祖降乩於壽民佟方伯之寄園正在

真乃大詩

真乃大詩

真乃大詩

真乃大詩

真乃大詩

真乃大詩

尤展成云

仙仙句也

可作筆翁

像貌

判事予忽過之方伯曰文人至矣大仙何以牧之

呂祖判云笠翁豈止文人真慧人也正欲與之暢

意盤桓或旗鼓相當未可知耳可先倡一韻吾當

和之予即倡是絕呂祖和云聞說陰陽有二天詩

魔除去是神仙相期若肯歸靈窟命汝金門執玉

鞭和墨復贈予一絕云瀟酒文心慧目通無端筆

下起長虹波平雲散停毫處萬里秋江一笠翁疾

掃如風扶乩者手腕幾脫真異事也

鮮荔枝

五言詩集卷之七

置

芥子園

龍元獻評

能于畫中

寫意此為

妙手

色香滋味皆奇絕。一出能令萬葉降。非是太真偏好。此無雙應自惜無雙。

題畫

千山無路萬山崎。村店猶然待客過。非是青帘開不。撒雪天沾酒較晴多。

新正自秣陵鼓棹。梅已盛開歷一月而抵漢陽。梅之着花者。仍與秣陵相似。是吳楚節氣之遲早。予親驗之。因以詩紀其候。

楚天節候異儂家。二月江梅未盡花。欲識東南春早。

晚客程一月較無差

堵天柱熊葛叔熊元獻李仁熟四君子携酒過

寓觀小鬟演劇元獻贈詩四絕倚韻和之

試問周郎曲若何。燕姬趙女復秦娥。爲聽字裏方音別。纔曉人間轍跡多。

其二

陽臺昔日事堪商。共見雲鬟出洞房。神女原來無絕色。夢中媿殺楚襄王。

其三

何嘯九評
笑翁謙處
正真騎人
處人都欲
學其自謙
其如無可
謙何

纏頭已受千絲贈錦句何殊百寶鈿誰料貧家司爨
女姓名高列五雲箋

其四 時予即赴荆南

衆口嗷嗷益旅愁漢陽未已復荊州同人不辨浮家
苦認作歸湖汗漫遊

寄懷荆南王鳴石憲副四首

顧芳三月上荆南桃未全舒柳亦含獨喜人情濃似
酒藥籠春色勝花籃

其二

授餐有主媿賢賓。老大無能只善貧。人欲手援援不
得。自將家累遠隨身。
可憐在此

其三

仲宣樓畔雨如絲。地主携樽過訪時。韻事難忘紫
夢。預澆杯酒祝更遲。

其四

歌聲初不甚鏗鏘。爲遇知音忽繞梁。莫更逢人求顧
曲。世間能得幾周郎。

次韻和王茂衍少參過呂仙祠四首

祠在都

王茂衍評

引徐空山

花開幽谷

靜中悟世

自名各言

非風塵馬

首所可幾

其萬一也

又評

每于反說

處跌宕出

奇

高欽如評

更進一層

妙絕却是

千古名言

空齋言集卷之十

鄆縣卽呂祖度盧生處

名。利。關。頭。此。是。津。指。迷。人。去。尙。留。濱。空。餘。一。勺。清。涼。
水。難。洗。長。安。道。上。塵。

其二

睡。鄉。無。祿。苦。來。于。迷。極。方。知。悟。境。難。世。上。幾。人。能。跳。
脫。一。生。無。夢。到。邯。鄲。

其三

醒。來。仍。在。黑。甜。鄉。小。夢。須。臾。大。夢。長。猶。喜。盧。生。能。辨。
此。夢。中。尋。夢。得。仙。方。

其四

世事皆虛夢。獨真夢。度纔與道相親。獨憐今世明如畫。夢少偏多說夢人。

次韻和王茂衍少叅新柳二絕

王茂衍評
天津橋上
陽春水此
爲過之

纖腰乍起黛初勻。受得青皇一半春。便覺風流還似一。不知張緒是何人。

其二

纖纖玉質未成腰。囑語東風勿重搖。何事三眠猶不起。祇因無力度春朝。

題畫龍送熊元獻赴試

元獻爲次侯太史公

冢子次侯諱伯龍故末句云云

楚江神物起雷霆左券題來筆有靈
一躍九天誰氏子諱名不寫但圖形

題畫龍送紀靜以歸燕赴試

紀子諱遠宜予

信筆所之不覺僂僂其神靈其若或使之爲

天府策名之其神靈不避疎狂直書以贈

楚江雷雨暗朝曦正是蛟龍振甲時
纔到禹門身卽化美君歸路遠備宜

聞遊山房二首次紀子湘郡伯原韻 係署中

新集

枕上看山山有情江帆雲鳥日縱橫是詩是畫渾難
辨詩却無聲畫有聲

其二

半由人力半由天造得王維畫裏船一棹不移終歲
泊江山白到枕頭邊

次韻和顧赤方見贈三首

晴川黃鶴兩名樓漢水湘江萬頃秋此地相逢殊快

事登臨共說古今愁

其二

負君白眼爲予青。才盡江淹髻已星。只有滄浪漁父曲。自描本色尚堪聽。

其三

赤方意在顧曲時。家姬有患病不能歌。

者

歇板停歌各皺眉。採薪兒女嘆無枝。天心巧滅吟詩口。不病詞人病雪兒。

題陳松野所畫山水二絕

一幅曉嵐詩如成烟雲四壁陡然生卧遊不辨
淺紙上惟聞瀑布聲

其二

千曲流泉萬仞山。白雲散去鳥飛還。天將無數秋容
好。繪出幽人一字閒。

觀楚人種竹

何方移得向陽枝。云出瀟湘帝女祠。拭粉看來斑絕
少。一般也有淚窮時。

大宗伯龔芝麓先生書來有將購市隱園與予

吳修蟾評

芝翁照頭

而思綠野

尚

笠翁不怕

結廬遠欲

于此間也

一府直詛

高情豁然

並見

笠翁詩集卷之十

五十一

藏板

結鄰之約喜成四絕奉寄以速其成

聞說將開綠野堂。可容老圃見微長。滿懷丘壑無由出。願與裴公作嫁裳。

其二

天教綠野傍柴荆。先為名園置一丁。郭裏蒙濤知無別事。代培花萼祝長生。

其三

一生佳興付空談。選勝無由事却諧。得作東山菴墅客。便司蠟屐也心甘。

詩集卷之七

歸隱翁贈

詩者形體

姓名俱入

詩料杜老

云詩應有

神助信然

信然傳矣

傳矣

其四 長君字伯通

傭。眷。久。已。怪。長。貧。誰。識。梁。鴻。許。結。隣。恰。好。長。君。名。字。
合。伯。通。廡。下。作。居。民。

題何鳴九小像

翛然獨坐類。跼蹐鳴九山人。寫照圖觀者。對門仙客。
影。只。因。瀟。酒。一。塵。無。

鄭房李為閫君如君新設二榻並視宜男諸同
人各擬賦詩屬予首倡遂成八首為荀氏八
龍之兆

楊西近評

曲房艷緒

寫入歌詩

祇覺雅馴

不見猥褻

迴是妙才

全言言集 卷之十

藏板

鴛鴦綉榻並時安。恰好題名字合歡。一度春風梅子。結明年三月試新酸。

其二

虞庭姊妹楚宮妃。不隔蘭房隔綉緯。兩處熊羆齊入。夢錯疑蝴蝶向人飛。

其三

預防子夜費招呼。不學元龍上下鋪。左右雖分無畛域。欲將身作走盤珠。

其四

畛畦溝澮一時新。誰是藍田種玉民。欲望收成先飛
情課農。還用饒農人。

其五

從來雨露忌偏施。知爾心中愛有差。弄瓦弄璋同一
弄休將厚薄異雄雌。

其六

予向因艱嗣亦改設二榻後遂宜男有

詩一首載五言律中

當年我亦愁艱嗣。一改牙床子便生。婚娶至今恨不
了。又將多累祝吾兄。

重評
可謂善
嘉

其七

大器從來不易成。佳兒多係晚年生。似予太晚無堪述。努力須乘鬢未星。

其八

兒子難生易得長。鵲雛一弄便成行。莫嫌四十添丁晚。他日還看笏滿床。

和劉子岸先十無詩

有小序

劉子岸先信陽高士家。雖不足才實有餘。一日以十無詩示予。予亦竄人讀其詩而愀然曰。傷哉貧。

通至此乎。然貧也非病。前賢已言之矣。三年
過無復奢求。劉子富於春秋。現在捉鼻富貴。行將
萬有何慮。十無予反其辭。以和之。雖曰慰人。實自
慰也。

居無屋

大修略評
十有成子
才暑亭所
目擊洞天
十也

伯通廡下。寓梁鴻。仲蔚蓬蒿。露處同。名士幾人。居有
屋。萬間。廣厦。寸靈中。

行無輿

休彈長鋏。恨無車。貪到堅時。力有餘。織屨賣漿。猶負

熊元獻評

笠翁詩集卷之十

五

藏板

笠翁高士
何亦乘車

曰未能免
俗聊復爾

爾

戴木聞高士出乘輿

寢無床

得意曾將綉幕褰。蕭條席地也成眠。元龍不問床高下。百尺樓中地亦天。

食無米

才高米價逐年增。八斗何堪買一升。飽殺侏儒留曼倩。凶年作穀豈可能。

王山史評
八斗句要
言不繁多
少才人讀
之淚下

寒無衣

無褐無衣難卒歲。忍飢忍凍任寒來。已體無豐。

紀子相評

千古名言

等閒寫出

約事到其中若固然

夜無燈

囊螢到底恨無光。鑿壁偷來也欠良。何似早眠還早
起不從膏火乞輝煌。

爐無火

莫道誰能送炭來。寒爐無火並無灰。袁安藉此成高
卧。一有人憐便不才。

杖無錢

甌內生塵尚坦然。何須更慮杖無錢。獨醒眾醉天私

郭九芝評
貧賤自
令人吐氣

我酒外成名傲八仙

渴無茗

何鳴九評
此等思想
不知從何
處發源
佳客不應遭水厄
天教旱魃困盧仝
望梅幸有茶經
在一讀能生兩腋風

交無朋

不是元龍氣未除
因貧人作絕交書
柴關剝啄年來
少啼笑翻因得自如

陳宗來中年乏嗣
納姬漢陽適家報至
聞庭中
木瓜結實其數倍於往年
是生兒佳兆也座

客以瓜字限韻遂成三首

故園芳訊到天涯。子畦綿綿兆在瓜。恰好藍田新種玉萌芽。動處已開花。

其二

芝蘭一種便生芽。恰好歸時正及瓜。懷娠纖腰難得細。楚宮舊事莫全誇。

其三

座客分箋手並叉。阿誰不燦筆頭花。陽春曲使巴人唱。定有瓊琚報木瓜。

熊元獻生孫

君家代代早生兒。四十稱翁尙怪遲。三世合年纔六。裹胎毛勁髮比青絲。

初聞元獻生孫賦詩稱賀。乃詩成未錄。而使者

至云是女孫。非男嗣也。再賦一絕以正其訛。

結子開花各有年。熊羆在後虺蛇先。弄璋錯寫機非。偶誤在詩人兆在天。

李仁孰評
使事恰合

有遣侍兒過寓。學家姬盟籀者。家姬欲贈以詩。苦不協律。情予代之。遂成四絕。

宮粧束舊知名。何事翻來學女伶。應是內庭曾識
國故將粉黛汚傾城。

其二

十年幽夢在蕭湘。今日纔觀帝女粧。汝自學儂儂學
汝。互傳雲影到他鄉。

其三

怪殺飛瓊下十洲。却從凡女學梳頭。瑤臺不是無春
色。只少人間兩鬢秋。

其四

仙方許
是飛瓊雙
成語氣人
間有此絕
子

又評

滑稽甚矣

是種女良

藥四章香

豔醉心

青絲散出滿庭香。綰就盤龍起夜光。分付翠鈿宜少。插。楚。宮。腰。細。不。勝。粧。

題陳松野畫烟雨圖

幽居樂在逢陰雨。欽住雲山不放開。何事無人閒領略。隔村貰酒正歸來。

雪後泛湖

輕舸犯冷入冰壺。彷彿名人雪後圖。若使看山須待煖。畫船多處失西湖。

謁岳武穆王墓

死無他萬死甘心奈何三字獄成千古
後世語不須多

有以舊貂膠充新物託友人求售于予者代柬
嘲之

一試寒威四面攻年深毛落易藏風纔知五月披裘
爽裘傲涼生與葛同

端陽前五日尤展成余澹心宋澹仙諸子集姑
蘇寓中觀小鬟演劇澹心首倡八絕依韻和
之
中逸其二

纔上氍毹齒未開。周郎顧曲眼爭迴。未經出口先成。誤目斷驚魂字不來。

其二

舊曲改充新樂奏。溪毛拾作玳筵張。全憑小婦斑斕。舌逗山嘉賓錦繡腸。

其三

響過行雲事果真。飛來過曲盡天神。諦觀不似霓裳。舞悔殺蓬萊枉駕人。

其四

修短升沉一任天。嘯歌終日學頑仙。白頭愛使紅裙繞。何必當初始少年。

其五

贈罷新篇客始歸。纏頭錦字壓羅衣。品題洵可成佳士。不是輕仙也解飛。

其六 是夕演明珠煎茶一折未及終曲而曉。更衣正待演無雙。報道新曦映綠窻。佳興未闌憎夜短。教人飲恨撲殘缸。

端陽後七日諸君子重集寓齋。備觀新劇。澹心

又叠前韻卽席和之
是日澹心携幼童三

人至亦奏新歌

廣席長筵閉復開雲車又逐晚風迴
神仙不耐聽凡樂自挾鈞天小部來

其二
澹心幼子甫七歲解辨歌聲以手按板
無不合拍

誰家顧曲小周郎七歲聽歌慧眼張
隨手擲來檀板合數聲驚斷老人腸

其三

忘羞纔覺露天與顰不矜持笑有神誰是夷光誰微
姆自安常態便宜入

其四

無窮樂境出壺天不是羣仙也類仙勝事欲傳須珥
筆歌聲留得幾千年

其五

不傾百斗莫言歸覆却銀瓶復典衣醉後一聲齊鼓
掌千林宿鳥盡驚飛

其六

王安節評
聲留紙上
態筆端
讀此一通
覺姑蘇勝
集至今未
散

勝事從來不可雙。忌人曙色。矚幽窓。清歌不復能三。疊。搥碎新豐賣酒缸。

拉友看月

一夜清光酒百巡。莫因風露早抽身。寧為虎阜爭秋。客莫作西湖避月人。

避兵前一日自餞 此首亦入傳奇

焚書有令莫橫經。且避江湖作客星。今夜月明聊自餞。陽關一曲唱還聽。

王安節詩
絕一而
兼
字傳

阻風秦郵喜酒水魚鰕皆賤似石尤有靈擇地

者喜成四絕

三月悔空携澤國魚鰕賤似泥誰止行人留信
石尤橋上鵬鵠啼

其二

三過孟城未纔舟近圖果腹暫淹留十年飢餒價今
日天飯王孫假石尤

其三

竹葉烏程取次嘗宜清宜旨更宜香前途好酒沾
得盡解青蚨買甕藏

柯岸初評

買甕藏

絕

經詩集

卷之七

七

芥子園

其四

東窗公評

雖似田水

月

食鮮宜早更宜遲。三月魴連四月鱗。餘恨儘交留。一線舟停難值蟹螯時。

潮汀晚泊是夕有酒無魚數日來僅事也

沉酣十日脯林中。宜受清虛一夕空。誰繼豆觴供晚醉。半湖斜照一簾風。

題清河陳氏宅

何負齋評
如畫

萬柳堤邊一徑開。風流張緒共徘徊。坡襟日對黃河水。不盡舟從天上來。

舟次桃源戲作

荒。陂。不。是。古。桃。源。浪。竊。佳。名。似。可。寬。賴。有。一。痕。摹。得。似。數。聲。鷄。犬。出。頽。垣。

舟中題王安節畫冊八首

癸丑夏初掛帆北

上途中無佳山水，覓詩題不得。因檢戲簾得此冊，每書一幅，輒若置身其中。始信臥遊二字，非虛語也。

何省齋評

晚香堂題
畫諸絕差
可伯仲

家住寒山過客疎，一林風雨夢回初。道人自課無餘事，了却揮絃便讀書。

其二

雲散霜林木葉稀。堂高無客坐斜暉。倩誰點染山容淡。跨蹇詩人五色衣。

其三

釣罷歸來倚樹吟。一雙和客是鳴禽。扁舟也喜無人惜。分得餘閒泊柳陰。

其四

驟添春水沒蒹葭。遠近無村只見花。負插有人源內住。閉門終日飯胡麻。

嚴活亭評

舟亦分閒

容易道不

出

其五

霜風昨夜到林間。木葉先於冗處刪。絕勝秋容徒自媚。曾無人跡到空山。

其六

幽人門巷隔清流。千尺橋通百尺樓。終歲掩關時一出。歸來俄頃若三秋。

其七

風居如海氣如潮。萬壑千巖盡欲飄。不是白雲穿牖過。誰知尺五即青霄。

王北山評

目擊此畫者始知其妙

其八

是人心繫水雲灣。若個能離塵世間。妒煞避人閒道
士。米家船上看秋山。

楚宮詞

自爲蛾眉自愛顰。自嗟薄命不逢辰。六宮較盡誰堪
妒。除是君王夢裏人。

其二

恨不真形與幻同。爲雲爲雨逐飄風。眼前未必無神
女。習見何如在夢中。

何省齋評

用高唐事

能化舊爲

新

有母壽六旬正在稱觴忽報誕孫之喜

漫意

阿母稱觴子弄璋兩番佳事集華堂
蟠桃獻作金齡料孫壽還同祖壽長

許茗車送菊以詩代柬次韵酬之

重陽寥落正堪悲一陣西風解皺眉
吹到半林秋色好頓教貧客有東籬

韻絕
層之岩詩

秋夜閉門圖三首

秋在楓林月在潭正宜消受出茅庵
道人閉戶由然

足清福從來也忌貪。

其二

杖藜原爲覓花村。有酒何須更出門。秋色滿林看欲竭。暫休目力是黃昏。

督師尚書李鄴園先生靖逆凱歌二十首

其一

一聲鼙鼓出仙霞。駭絕三衢百萬家。勢與黃河爭泛濫。濁流何處辨龍蛇。

其二

羽書絡繹下錢塘。飛騎還愁道路長。得失安危爭一
瞬。天兵下也。臨重著。

其三

盡憂師緩失先幾。誰料神君有翼飛。三宿未周身已
到。水亭門外擁旌旂。

其四

又慮文官怯戰爭。雖來只可壯軍聲。誰知一體懷雙
腹。左載詩書右載兵。

其五

莫道全由胆力行。忠肝向處有神明。
肩挑不動黃金鎧。着體渾如一葉輕。

其六

面有奎光腹有文。纔披鐵甲是將軍。
綸巾到底効戎事。不學書生襲舊聞。

其七

身不離鞍手執鞭。將兵將將總居先。
衝鋒豈是鋪前隊。義不全驅誓早捐。

其八

一激三軍盡有威。其入雖是厥心非。爭先愛作奇男。
子。怯戰時妨賜女衣。

其九

不待交鋒預突圍。士能戮力馬能飛。舉旗斬將非難。
事。搗穴焚巢取印歸。

其十

賊砲如雷夜幾千。由他霹靂響晴天。心堅不爲虛聲。
恐。分付三軍自在眠。

其十一

全宋詩集卷之十一
藏板
百萬黔黎恃一人。運逢肅殺氣如春。征誅不礙唐虞化。依舊康衢鼓腹頻。

其十二

首級纍纍動滿千。不竿惟向樹頭懸。舊紅未褪新紅繼。權當花開日日鮮。

其十三

屢捷強兵不使驕。投戈誰敢樂囂囂。成功只說由天幸。欲使凡民德聖朝。

其十四

今日。不。好。生。常。與。惜。頭。顱。千。將。祇。為。奸。雄。
語。豈。不。甚。哉。夫。

其十五

降。旗。次。第。來。泥。頭。就。縛。盡。堪。哀。婆。心。不。為。雄。心。
泣。罪。時。時。淚。滿。腮。

其十六

戰。馬。歸。來。竹。馬。迎。謳。歌。聲。雜。凱。歌。聲。金。甌。不。缺。天。重。
造。麟。閣。何。人。儼。姓。名。

其十七

凱歌雖唱未班師。直待銷兵賣劒時。
國事未寧家不問。從教兒女怨歸遲。

其十八

憂國丹心不厭長。我疆雖靖慮他疆。
中原尺寸皆王土。肯使神州缺一方。

其十九

全浙人民勸返騶。三衢父老獨遮留。
止戈復起間關閫。萬戶相爭若寇讐。

其二十

事平論定幾人同。千古文章及事功。涑淵淵源鄒魯
派。聖賢侯舊出山東。

壽佟平六別駕

時督軍督入閩生辰已過乃

于閏月稱觴補前月之未逮

天公有意惜勞臣。特遣羲和閏一春。驛路鶯花官舍
酒。三旬度却兩生辰。

古燈上人懷詩過訪偶出不遇

沽酒陶潛去不回。虛堂曾辱遠公來。歸求隻履無尋
處。幻跡空留石上苔。

其二 來詩有何日買山傍幽築共君晨夕弄

烟波之句

聞君許我共烟波。不共烟波待若何。有意何妨留片質。詩瓢攫取掛藤蘿。

看紅葉

同入秋林試短筇。爭憐樹色比花濃。須知別有堪憐處。不是嬌容是病容。

曉過采石磯睡猶未醒

欲看嶙峋奈去何。推篷惟見白雲多。扁舟負却青山

顧梁汾評

猿鶴雞皮

蛾眉鶴髮

別有感慨

好不載人過載夢過

茉莉

素艷無心壓眾芳。佳人偏喜植蘭房。幽情每向閒時見。不媚晨粧媚晚粧。

邊詞

朝為絕塞荷戈臣。夜作深閨夢裡人。不獨身勞魂亦苦。月中霜下往來頻。

席上贈歌妓王友蘭兼嘲座客

清歌歷歷斷人腸。有客低聲助抑揚。毒殺秋波時一

丁約閣評
欲得周郎
顧時時誤

毛樸黃評
思人風雲
無定河邊
之句直領
却步

幽房咏此
思俗茉莉
清韻

佛統古詩

佳語此更

壓倒元白

轉周郎不顧顧周郎

食松菌

松菌無根出自天。聞雷十度九垂涎。不妨七箸朝朝失。免我辛勤種菜田。

東吳修蟾

修蟾官武昌。予客漢陽中。有一江

之隔

孫宇合評

勞筆嶽手

江北江南喜對門。遙看夜夜共芳樽。却從杯底平分月。界破中流碧一痕。

拉張十九過寓看梅

丁藥園評

一往情深

真有澹烟疎雨之致

倪服回評

載烟來三

字妙絕風

順則烟載

滿舟祝其

風順速來

也

敵寒不惜酒頻賒。坐愛中庭雪影斜。此地無人知月色。惟君可以共梅花。

望故人速來以詩勸駕

清樽留爲伯倫開。明日親登望遠臺。風不留人帆自捷。坐觀一艇載烟來。

次韻答鄰翁索酒

野蕨山蔬待遠賓。伏雌留取遲高鄰。前番莫怪無邀帖。茗戰從來忌酒人。

都門送客

丁約園評
盛唐佳境
右丞嘉州
亦當遜步

空齋詩集 卷之七

六

藏板

馬首朝朝逐軟塵。歌驪送客往來頻。不堪屈指燕臺上。旅伴先歸又一人。

都門遇故人。失之交臂。席間再晤。各道姓名。始

知爲二十年前好友。

十年寤寐舊芝蘭。既見還疑未識韓。老眼逢人多忽視。不惟花在霧中看。

寒食後一日歸自燕京

馳驅一半爲春來。欲趁東風醉幾迴。不枉戴星行一月。入門猶及見花開。

詩評
妙語不經

張桂峰評

意花秋

點綴故傷

別趣而一

種好客深

情宛然欲

出

其二

年來果否鬢添絲。未引青銅照。即知若使面容還似。舊不應大映入門時。

燕歸速客以詩代柬

猶喜還家及半春。庭花未謝可留賓。座中莫怪無方物。京國携來月一輪。

偶得

人尊桃李賤蒿萊。身後憑誰殉夜臺。白骨纍纍都近草。好花不向墓前開。

有持純素乞詩贈其居停主人者援筆立就

方紹邨評

書藤道士

覽乎後矣

有客徵詩媚所親。為言地主亦芳鄰。不題姓字如相識。能庶梁鴻即好人。

冬夜懷熊元獻家仁熟二好友

曹秋岳評

以友朋為

命清詞麗

句不苦索

而自至

四方好友惜追陪。羨爾能隨意往回。不憚雪深江路險。月明時向夢中來。

雨中送客

方紹邨評

酸處愈見

大雅

從今追憶乍逢時。烟霧迷離也若斯。風雨識君風雨別。或逢晴日免相思。

山中書所見

顧願開評

老調人謂

近中唐卑

竟非錢劉

門戶

山民習得一身慵。閑臥茅龍倦倚松。却把辛勤賄澗水。不分曉夜代人春。

詠史十絕

毛樸齋評

胡陶詠史

竟兩塵瀾

安得有此

清新奇快

孫少白評

詠史摘此

十事題以

雋永之句

所謂韻語

管仲與鮑叔分財利多自與

仲曰吾嘗與鮑

叔賈分財利多自與鮑叔不以我為貪知我

貧也

貧賈分財每自頗。雖蒙友諒奈心何。此風倡後人爭效。鮑叔寥寥管仲多。

陽秋也

全宋言身 卷之六

七

藏板

伍員覆楚申包胥存楚

員與包胥為友員之

亡也謂包胥曰吾必覆楚包胥曰吾必存之

後盡如其言

何省齋評

敵手棋三

字括盡一

部吳越春

秋

申伍當年事太奇一存一覆志難移却拚兩度楸枰
壞試出人間敵手棋

東方朔索米長安

朔謂武帝曰侏儒長三尺

餘奉一囊粟錢二百四十臣朔長九尺餘亦

奉一囊粟錢二百四十侏儒飽欲死臣朔饑

欲死

憂情訴諸話足傳具臣勿使有餘錢濫施莫道無陰
陽飽殺侏儒寔可憐

張敞爲婦畫眉有司以奏 敞爲京兆時走馬

章臺街又嘗爲婦畫眉有司以奏上召問敞

對曰臣聞閨房之內夫婦之私有過于畫眉

者上笑而置之

走馬章臺過匪輕有司不奏奏閨情翻圖一紙于飛

樂成就風流孺子名

桓伊爲王徽之弄笛 徽之泊丹青溪伊素不

顧圖評

京兆風流

誰使文人

馬足久矣

得此一新

藏板

識徽之輒從岸上過船客曰此桓野王也徽

之曰聞君善笛試為我一奏伊踞胡床為作

三弄吹畢上車去客主不交一言

出經三弄舌堪捫相對無言道始尊話在笛中人不

識却疑主客少寒溫

王羲之東床坦腹 郗鑒求壻于王導導令徧

觀群從王氏諸少咸自矜持惟羲之在東床

坦腹食盤間之曰此佳壻耳以女妻之

郗門獨簡東床壻應是王郎腹可觀料不采葑遺下

沈因伯評

桓野之簡

猶相如之

要參外

可無言則

笛中自應

有話誰能

理會及此

何省齋評

此語可思

體故留肉袒待人看。

阮咸曬犢鼻褌

七月七日北阮盛曬衣衣皆

錦綺咸以長竿掛犢鼻褌于庭人怪之答曰

未能免俗聊復爾耳

何自齊評
仲容長卿

未能免俗與時同犢鼻長竿也曬窮更有
人騎北

兩褌大為
窮人生色

阮腹書攤向日明中

阮修無室人與歛錢為婚

修年四十餘未有

妻王敦等與歛錢為婚皆名士也時慕之者

求入錢不得

貧士人人怨獨棲。爲觀前史媿名低。阮修不拒輸錢客。一舉何難得數妻。

郭林宗角巾一折。林宗遇雨中。一角折時人

慕其名。盡折一角效之。

徒行遇雨帽垂綸。爭倣林宗折角巾。男子效顰風轉熾。婦中惟見一東鄰。

張旭以頭濡墨作書

張旭曾將頭代筆。當年提筆倩何人。不然項短無三尺。鈎剔安能自轉身。

何首發評
非非想

和閨端陽四首 時在山陰道中

西湖前此遇天中。又作山陰道上翁。佳節不難重疊。
閨閨居勝地。幾人同。

其二

但有良朋免憶家。蒲樽重泛興尤賒。朱榴遶座堪行。
酒不戀紅裙。只戀花。

其三 曹娥以五月五日沉江

黃無敵評
曹娥從無
弔者以客
越之五日
及之新而
且確妙甚

忠孝傳聞古事多。屈原弔罷弔曹娥。若教常閨端陽。
節裨益人心。更幾何。

其四

已事荒唐未可追。辟兵符正此時宜。兩番佩却終無驗。依舊中原盛鼓鼙。

次韻贈朱

醫士

醫國醫人二十年。愁多不爲利名牽。婆心一動沉疴起。姓字紛傳道未傳。

嚴陵紀事八首

乙卯夏送雨見之嚴陵應章

子試寓何晝公使君園亭。湖光山色。明月清風。迭爲地主。又得觀察。以爲先生。子

治中邑宰諸侯適館我餐交州州民非世庶
暑且不知此身之在客矣羽書絡繹戎馬生
郊斯何時也猶叨庇于羣公若此因賦八絕
以志幸

嚴陵風景曠難收今日何期寓此樓
萬壑千巖相對
無心更下釣魚鉤

其二

孫字台評
笠翁到處
有逢迎乃
手攬亂得
此尤爲健
事

暑月溫和儼似春祇因寄跡在潮濱
江山風月皆留
客不獨居停是主人

其三

十載虛名酒一壺。杖藜隨地賺青蚨。江千車馬驚猿鶴。愈使文章一字無。

其四

禮賢盛事忽重修。慚愧緇衣上鹿裘。不是其人遊列國。授餐適館誤諸侯。

其五

時方用武獨修文。境有絃歌理亂分。始識桃源無定在。只須鎮俗有神君。

其六

學使巡行擇地留峰巒。奇處繫扁舟。呼兒傳與行文訣。筆似懸崖始見收。

其七

未能免俗輟耕鋤。身隱重教子讀書。山水有靈應笑我。老來顏面厚于初。

其八

猿鶴相逢慮見猜。却因鄙事掛帆來。子陵不爲兒孫計。歸去何顏過釣臺。

甲寅到家口號

兵戈隊裡祝生還。望見吾廬淚始刪。莫作尋常門戶
入。亂離家是玉門關。

葺園

六尺長鋤手自持。鋤荆不爲蓋茅茨。今年預種明年
藥。老去常防有病時。

早度居庸關

錯認葱龍樹作山。平登纔識在林間。太平無取田文
客。不必鷄鳴始度關。

續梁汾評

請書其地

爲千載生

話

馬上逢故人索彈琵琶一曲而別

班荆樹下莫蹉跎。絕技如君肯放過。嘗怪韻人逢韻友。桓伊笛少話偏多。

喜友遷寓

聞君徙寓入青霞。又近吾廬百十家。天旣晴明人亦好。不妨三日兩看花。

